



UNIVERSITÄTS-
BIBLIOTHEK
PADERBORN

Waerchtighe Historie Van de Martelaers Van Gorcom

Estius, Wilhelm

Antwerpen, 1604

Capittel VII. Hoe die van't Casteel hebben mette Geusen
gheparlamenteert.

[urn:nbn:de:hbz:466:1-64552](https://nbn-resolving.org/urn:nbn:de:hbz:466:1-64552)

houwen marmier-steen ghemetst / was seer schoon ende heerlijk om te sien. Desen toren hoopte de Drossart dat hy eenighs-tins soude connen tegghenhouden ende beschermen tot dat sijn sone met het onder-staendt aen-quame. Maer ghelijck hy ver-toefde te comen / ende de vyandt nu naer hy met aller maght het Casteel aerbeydde te bestormen / soo hebben de soldaten / verliende de hope van't Casteel teghen te houden / den Drossart verlaten / henne wapenen af-gheleght / en opentlijck gheleght / dat sy niet en wilden vechten. Daer teghen de Drossart / ghelijck hy seer vroom ende couragieus was / seyde dat hy alleen vechten wilde / ende totten lesten adem toe den vyandt weder-staen / soo verre d'ander alle hem af-vielen / daer hy segghende / datmen gheen trouw noch goedertierenheydt en derf verwachten van vyanden die op hen rouerijen / moorden ende kerck-dieuerijen gheploeghen waren.

CAPITTEL VII.

Hoe die van't Casteel hebben mette Geusen geparlamenteert.

MAer aen dander sijde de vrouwen die in't Casteel ghevlucht waren / deur hen ghecrift ende gheroep midts de vrees van al-sulcken perijckel / hebben den Drossart seer verdrietelijck ghevallen. Oock mede sijn huys-vrouw ende dochter hem te halse vallende / baden hem seer hertelijck / dat hy t Slot soude op-gheuen / en dat hy deur sijn moed-willighe vromigheydt sijn eyghen wel-daert ende der ghener die hem aen-ginghen niet en soude brengen in perijckel : de welke hy met gramschap van hem ghestooten heeft. Ende hoe wel dat oock som-

mighe bande principaelste mannen den Drossart
 wilden raden (om dat sy uyt eenighe sijne woorden
 merkten dat hy gheen hope en hadde t' Casteel te
 ronnen teghen-houden) dat hy t' op sommighe con-
 ditionen den vbandt soude ouer-gheuen : De Gar-
 diaen nochtans en vondt niet gheraden dat-men't
 soude stellen inde trouwe van kitters/ en seyde dat-
 men hen niet en behoorde te gheloouen al swaeren
 sy ten heylighen : sekerlijcks wetende dat de ghene
 die Gode hen trouwe niet ghehouden en hadden/
 den menschen vele min souden houden. Waer-om
 hy seer neerstigh was om weyr te bieden/ ende sijn
 mede-ghesellen vermaende van ghelijcken te doen/
 oock als de soldaten gheenen moedt hebbende / op-
 hielen ende niet vechten en wilden. Maer al-soo
 de vbandt euen sterckelijck hen besprongh / ende
 hun perijckel ouer-sulcks al vermeerderde / oock
 want sy onghewoon waren/ ende verschriekt wier-
 den deur het groot gheluydt vā t'gheschutt/ d'welck
 soo vele ende soo dick-wils was dat het Casteel
 scheen bande fondamenten om verre te vallen/ende
 als in een pier te staen : soo en heeft de cracht van
 weynighe personen niet connen beletten den raedt
 van ouer-gheuinghe / by-sonder midts het ghedue-
 righ gheschreeuw van andere / soo mans als vrou-
 wen/ versoekende dat-men deur eenigh middel hen
 aller wel-vaert soude versien. Teghen de welke al
 heeft de Drossart langhen tijdt niet sonder seijn
 van moedt-willigheydt hem gestelt/ten lesten noch-
 tans heeft sijnen moedt laten verwinnen / dat-men
 soude syzake eyschen metten vbandt. Deur d'eer-
 ste heeft-men hen ghepresenteert t' Casteel ouer te
 gheuen/ midts behoudende hen lijuen ende goeden.
 D'welck want de Geusen af-sloeghen / eyschende
 so wel hunne lijue als hunne goedē verbeurt/ so heb-
 ben

ben die van binnen deur desen nootd weder-om
moedt ghegrepen/ achtende veur hen beter ende eer-
lijcker te wesen met vechtender-handt veur hun leuē
te strijden : ende hebben alsoo van nieuws alle
t'gheschutt weder-om op den vbandt los geschotē.
Het is dan ghebeurt datter een vande Hoofdt-
mannen die seer cloeck ende vroom was/ meynden-
der Casteel in te nemē/ wierdt deur het veur-hoofd
gheschoten/ daer opde plaetse ter-stondt doodt viel.
Daer-om siēde de Geusen soo verre dattet met ghe-
weldt soude gheschieden/ dat de victorie niet en sou-
de zijn sonder veel bloedts te storten/ oock om het
onder-standt dat sy van ure tot ure verwachtē te
moghen verraschen/ soo hebben sy saechter raedt
gheschickt/ ende hen belouende hun leuen te schinc-
ken/ hebben al-soo van het ouer-ghenē van t'Ca-
steel gheacordeert/ midts den eedt van Marinus
hennen Capiteyn/ metten welcken hy met clare ende
uyt-drukelijcke woorden belofden / dat hy allen
den ghenen die op t' Casteel waren soo gheestelijcke
als werldelijcke / niemantt uyt-ghenomen/ hen
lijf salueren soude/ ende hen allen los ende vry van t'
Casteel laten gaen. Maer aen-gaende de goeden
die daer ghevonden souden worden/ die souden hen
veur eene roof ten besten ghegheuen worden. Soo
is dan t' Casteel ouer-ghegheuen een weynigh naer
midder-nacht / d'welck was inden daghe-raedt
vanden 27. Julij.